


Cumegn Albula/Alvra



Reglamaint davart igl tractamaint d'ava persa digl cumegn Albula/Alvra (Reglamaint d'ava persa; RAP/AbwR)

**Approvo dalla suprastanza communal igls 16-05-2017
e mess an vigour per igls 01-01-2017**

Reglamaint davart igl tractamaint d'ava persa digl cumegn Albula/Alvra (Reglamaint d'ava persa; RAP/AbwR)

Sen basa d'art. 39 dalla lescha per avas persas (LAP/AbwG), ò la suprastanza communal digl cumegn Albula/Alvra decida:

I. Cumpetenzas

Art. 1 Suprastanza communal

¹ Alla suprastanza communal èn surdadas an spezial las suandontas incumbensas:

- a. reglar contracts cun cumegns vaschigns per bagn immobigliars tgi son betg neir tatgeas ve d'implants digl agen cumegn (art. 1 alinea 3 LAP/AbwG);
- b. conceder ena lubientscha excepziunala per la prelevalziun da caleira or dalla reit dalla canalisaziun (art. 18 alinea 2 LAP/AbwG);
- c. obliier proprietaris da bietgs ed implants existents da betg pudeir conduceir ava persa betg tschuffagneda ainten en ual avert u ainten ena serenera (art. 19 alinea 3 LAP/AbwG);
- d. conceder ena lubientscha d'attatg d'en bagn immobigliar aint igls implants per avas persas d'en cumegn vaschign, resp. d'en bagn immobigliar sen igl territori d'en cumegn vaschign aint igls implants d'ava persa digl cumegn (art. 1 alinea 3 (LAP/AbwG);
- e. ordinar en'obligaziun d'attatg da bietgs existents ve d'ena serenera (art. 14 alinea 2 (LAP/AbwG);
- f. decider sch'igl attatg ò da neir exequia antras igl cumegn u antras igls petents (art. 15 alinea 2 LAP/AbwG);
- g. ordinar execuziuns d'uffezi per execuziuns manglousas u lavours da mantingnamaint tralashedas ve d'implants privats (art. 7 alinea 2 LAP/AbwG).

² La suprastanza communal pò delegar incumbensas e cumpetenzas.

Art. 2 Menaschi tecnic

Agl menaschi tecnic èn surdadas an spezial las suandontas incumbensas:

- a. mantigneir, manar igl menaschi, controllar e survegilar igls implants d'ava persa publics, schinavant tg'igls organs dallas associaziuns n'èn betg cumpetents persiva (art. 2 alinea 2 ed art. 10 alinea 1 LAP/AbwG);
- b. sierar la dismessa d'ava persa conform alla lescha (art. 2 alinea 2 LAP/AbwG);
- c. definire igl li e la sort d'attatg, schinavant tgi chegl n'è betg fixo aint igl rom dalla procedura dalla lubientscha da biagier (art. 15 alinea 1 LAP/AbwG);
- d. verifitgier igls attatgs, schinavant tgi ena persunga spezialisada n'è betg neida incumbensada lotiers (art. 7 LAP/AbwG);
- e. survegilar igls implants privats (art. 11 alinea 1 LAP/AbwG);
- f. ordinar maseiras immediatas per cass urgents temporars resp. per cass da disturbis e cass d'urgenza (art 12 alinea 1 LAP/AbwG).

II Tariffas da taxas

Art. 3 Taxas per avas persas (art. 30 ss. LAP/AbwG)

¹ La taxa fundamentala annuala monta CHF 150.00.

² La taxa da quantidad annuala vign taxada tenor igl consum d'ava e monta 0.95 fr. per meter cubic per tot igls bietgs ed implants tatgeas ve d'en chintader.

³ Durant la fasa transitorica digl 1. da schaner 2018 anfignen igls 31 da december 2018 vign mess a chint ena taxa fundamentala da 180.00 fr. (art. 37 alinea 2 LAP/AbwG).

⁴ Durant la fasa transitorica digl 1. da schaner 2018 anfignen igls 31 da december 2018 vign mess a chint nigla taxa da quantidad (art. 37 alinea 2 LAP/AbwG).

⁵ Igl tractamaint d'ava persa e restanzas da bagns immobigliars, tgi èn betg tatgeas ve d'implants d'ava persa publics, succeda tenor las directivas dallas prescripziuns dall'associaziun per avas persas ed antras las directivas digl survigilader dalla serenera.

II. Determinaziuns finalas

Art. 4 Vigour

¹ Igl reglamaint preschaint vo an vigour per igl 1. da schaner 2018.


² Cun l'antrada an vigour da chest reglamaint vignan dissolveidas las determinaziuns dad oters decrets tgi stattan an cuntradiczun cun tal.

Igl mastral



Daniel Albertin

Igl scrivand da cumegn



Maurus Engler